

NOTA DE PRENSA DEL COLECTIVU ESCUELA ENSIN WIFI Y OTROS COLECTIVOS D'ASTURIES

El collectivu Escuela ensin Wifi, la Federación de Padres d'Alumnos Miguel Virgós, la Confederación Asturiana de Madres y Padres de Centros Públicos (COAPA), la Confederación d'Asociaciones de Vecinos d'Asturies (CAVASTUR), les Federaciones d'Asociaciones de Vecinos de Xixón, y del mediu rural de Xixón Les Caseríes, los sindicatos n'Asturies SUATEA, CCOO, CSI, USO y *Sindicato de Estudiantes*, los partíos políticos Izquierda Xunida, Bloque por Asturies, Los Verdes – Grupu Verde y EQUO - *Los Verdes de Asturias*; la Coordinadora Ecoloxista d'Asturies, El Colectivu Ecoloxista d'Avilés, los grupos ecoloxistes El Carbayu de Valdés y SOS Cuideiru y l'Asociación Ultravioleta, **denunciamos énte la opinión pública asturiana que'l Gobiernu del Principáu d'Asturies:**

- Nun ta protexendo la salú de la población, sobre manera la infantil, frente a les radiaciones electromagnétiques, al nun tener en cuenta les recomendaciones de la Resolución 1815 de mayu del 2011 del Conseyu d'Europa: “Peligros potenciales de los campos electromagnéticos y los sos efectos nel mediu ambiente”. Ente estes recomendaciones ta la de dar preferencia nes escuelas a les conexones per cable, como alternativa segura a les conexones inalámbriques, como ye la del Wi-Fi.
- La promoción d'esta medida de precaución vien reforzada pola **decisión de l'Axencia Internacional pa la Investigación del Cáncer (IARC), dependiente de la OMS, de clasificar a les radiaciones inalámbriques (Wi-Fi, antenes y teléfonos móviles, teléfonos inalámbricos, comunicadores de bebés, tabletes y xuguetes inalámbricos...)** el 1 de xunu del 2011 como **“axente canceríxenu pa humanos tipu 2B”**.
- Nun ta respetando, tal y como recueye la Llei 33/2011 Xeneral de Salú Pública, el derechu de la ciudadanía asturiano en cuantes a que les alministraciones competentes lo informe sobre los riesgos de la esposición de la población a les radiaciones electromagnétiques procedentes de tecnoloxíes inalámbriques y d'infraestructures d'alta tensión (llinies y tresformadores).
- Estos riesgos tán recoyíos nel Informe Bioiniciative “Les pruebas científiques de los efectos de la radiación electromagnética na salú humana” (1); **ye'l documentu más completu que se fixo hasta la fecha**, tal y como afirma'l Parllamentu Européu.
- Nun ta respetando'l principiu de precaución recoyíu nel Tratáu de Maastrich, como ún de los pegollos de les polítiques de salú medioambiental de la Unión Europea, principiu recoyíu tamién na nuestra Llei Xeneral de Salú Pública y que diz: “La existencia d'indicios fundaos d'una posible afectación grave de la salú de la población, con too y con qu'haya incertidume sobre'l carácter del riesgu, va determinar la cesación, prohibición o limitación de l'actividá sobre la que concurren”. L'Informe Bioiniciative constata la existencia d'indicios fundaos.

Consecuentemente, pidimos a la nuestra alministración autonómica que:

- Declare les escuelas “Zona Blanca”, llibres de toa fonte de contaminación electromagnética, eliminando l'usu de tecnoloxíes inalámbriques y protexéndoles de fontes esternes de contaminación, tales como antenes de telefonía móvil,

radiotelecomunicaciones y Wi-Fi; tresformadores y llinies de tensión alta, imponiendo potencias, distancias, orientaciones y asitiamientos acordies col principiu de precaución.

- **Instale l'accesu a internet con cableáu nes aules y demás dependencias escolares que lo precisen, regule estrictamente l'usu de teléfonos móviles y sustituya los teléfonos inalámbricos por teléfonos conectaos per cable.**
- **Declare una muera, con carácter inmediatu, nel usu de tecnoloxías inalámbriques nos centros escolares d'Asturies** hasta que se faiga'l cableáu (dau'l carácter acumulativu, y polo tanto irreversible, de les radiaciones nel organismu).
- **Paralice'l nuevu despliegue de puntos d'accesu Wi-Fi nos centros escolares y renegocie col Ministeriu d'Educación el conveniu suscritu sobre'l Programa Escuela 2.0,** de tala miente que los 2,3 millones d'euros aprobaos se destinen a cablear toles aules onde s'usen los miniportátiles.
- **Elabore,** en colaboración coles asociaciones d'electrohipersensibles, **y divulgue un protocolu de detección temprana de la electrohipersensibilidad** o síndrome d'intolerancia a los campos electromagnéticos, pa poder decidir aína midíes eficaces pa protexer a les persones electrohipersensibles.

Amás, basándonos nel principiu de precaución, **encamentamos a los Conceyos asturianos,** (Xixón, Avilés, Uviéu, Siero, Mieres, Llangréu, Ribesella, Llanes, Grau, Navia, Villaviciosa, Tinéu, Cangas del Narcea...) a que:

- **Esmantelen les redes municipales Wi-Fi, lo mesmo n'espacios públicos abiertos qu'en toles infraestructures dependientes del Conceyu** (edificios deportivos y consistoriales, biblioteques, guarderías, museos, cases de cultura, centros de barriu...), **instalando l'accesu a internet con cableáu.**

(1) Axúntase un resume del [Informe Bioinitiative](#), y tamién “los estudios científicos y los argumentos desarrollaos por asociaciones y organizaciones non gubernamentales, por grupos de científicos, pola [Axencia Europea de Mediu Ambiente](#) y pol Parllamentu Européu” del proyectu de resolución del [Conseyu d'Europa](#) “Peligros potenciales de los campos electromagnéticos y los sos efectos nel mediu ambiente”.

Nel cursu 2012-2013 la campaña, col nome **“ESCUELA SALUDABLE, INTERNET SOLO POR CABLE”**, continua la so espansión en tol estáu nel contestu de la [Plataforma Estatal Contra la Contaminación Electromagnética](#) que cunta nel so senu con una amplia representación vecinal (la [Confederación Estatal d'Asociaciones Vecinales –CEAV-](#) qu'inclúi Federaciones como la F.R.A.V.M. de Madrid con más de 250 AA. de VV.), ecoloxista (qu'inclúi la [confederación Ecoloxistes n'Acción](#) con más de 300 grupos) y numberoses organizaciones contra la contaminación electromagnética tomando Andalucía, Aragón, Asturias, Canaries, Castiella y Llión, Euskadi, Galicia, Nafarroa, Murcia, etc.